

Jac. Juchs.

für Mistlin. 241

(s.l.) 1523.


J i


3249

500.

00 10







Eyn Adissive an den
Bischoff vōr Eirtz-
burg Clon herr Ja-
cob Ifuchs dem
Eltern Thū-
herrē aufz-
gangē.

Was er helt von vereelichten
geystlichen personen.

M. D. XXIII.



Faint, illegible text, possibly bleed-through from the reverse side of the page, enclosed in a rectangular border.

Universitäts-
Bibliothek
Halle

L 2, 3499



Noch würdiger Fürst vñ Herr / ewre Fürst-
lichen gnaden seynt mein schuldig / willig /
vnderthanig dyenst zuvor. Gnediger Herr /
Ewer F. G. habē mich iungst in versamel-
tem yrer gnaden Thumbcapittel zu Wirtzburg / dar-
umb / das ich ob dem / das ich yetzo geystliche personē
vereeelichen / vnd zur Legreiffen / ein wolgefallen ha-
ben auch dasselbig loben vñ furdern solt / gleych vn-
gnediger meynung angebe mit verner anhang zc.
Darauff ich den selbē E. F. G. dazumal meyn gemüt
zum teyl eröffnet gleich wol mit dem erbieten / das ich
das selbig hernach volkomner yn schriffte thun wolt /
dieweylich dann sollychem meynem zusagen byllich
nachkome. Auch fur nutzpar (ob es Gott verleyhen
wölt) vnd nötyg ansehe / das es geschehe. So vber-
sende ich E. F. G. hye mitt dasselbyg mit angeheffter
vnderthaniger pit / die selbig E. G. wölle sollich mein
schreiben mit gantzem fleyß bedencken / vnd das and
gestalt gar nit verstehen / dan das ich es vnderthanig
lichen / Christlichen vnd bruderlichen meyne.
Vnd erstlich E. F. G. zuberichten / was ich vō dem
obberürtē Kelichen furnemē halt / vnd wes ich mich
schuldvg erkēne dabey zuthū / kã vñ mag ich nit vber
gehen zusagē / dz ich dasselbig gantz fur Christlich acht
vñ wer sich dawidd setz / dz d widē Got vñ sein göt-
lichs wort strebe. Es ist ye dy lautter götlich warheit
dz keuscheyt nit durch menschē mag gebē odd außge-
richt werden / auch nit müglich / dz sich yemādes reyn
enthalt / on sond gnad Gottes / wie wir habē Math.
ix. So mā nū nit wiszē mag / welche mēschē got sol

liche gab vnd wie lang er ym die verleicht. Wye kan
vnd mag es dann Christlich sein. Lewte/deren gnad
man nit weyß/ya da vor augen ist/das sye der selben
nit haben/an etlichem furnemen zuhyndern/vnd zu
vnmuglicher ewige keuscheyt zudryngen vñ zubend-
tigen. Der zweyer muß sich dann ye eins vnwidder-
sprechlich begebē/entweder dz er mit vneelichē fr. wē
oder wedder die natur sundige. Ey welches ist dann
vor dem andern zgedulden/ ya zufurdern vñ zu ge-
gepieten & Got spricht durch seinen Apostel Paulum
i. Corin. vii. Ein yeder soll sein Keweb haben/vnd
eyn yedes weyb yren Kemā/vff das nit sonst auffer-
halb der Ke müssen vnkeusch sein. Vnd verner wer
sich nit enthalten kan/vnd die gnad der keuscheyt nit
hat/d nem ein weib/vñ vereelich sich/es ist vil besser
Kelich sein dan pryumen. hye wirt gar niemant auß-
geschlossen/er sie Bischof/Pryester oder Leye. Itē zu
Tito am ersten sagt Paulus. Eyn priester sol eyn Ke-
weib haben. Desgleichē .i. Timoth. iii. Dan sollihs
allenthalbē offentlich den priestern auch gepotē wirt/
auff das sy nit mit andern straffparr vnkeuscheytē
sich beslecken. Als wolt der Apostel sage. Es ist sonst
nit möglich das sy keusch leben/vnd gott gefalle mö-
gen. Auch weyter/capi. iiii. der selbē epistel. Das eyt-
tel teuffelische lere seyn/vñ widder den geyst Christi/
dardurch der Kelich stand geweret vnd verboten
wirt. So nun Gott also yr zwey eelichē zusamē fügt/
die sol kein mensch furnemen zuscheiden. Mathei. xix.
hye stehet & klar wil vñ dz lauter gepot des almechti-
gen ewigen gotes so hoch am tag/ das sich seynet vn-

wissenheit halbē/odds dz es noch einen zweiffel haben
solt/ niemāt entschuldigē mag. Wer will sich dā vnd
stehē christlichē zuleben/ & dem selben nit nachfolget &
Chrūs sagt Matth. xij. Wer nit mit mir ist/ & ist widder
mich. Nū wz widder Chriū ist dz muß in d warheit vn
christlich sein. Es seyn ye nit and christē/ dā die/ so des
willē vñ geboten Christi nachfolgē. Wellicher nū sich
nit vereelichē od Felichē städt werē vñ hyndern wil/
yn personen die sich on weyber nicht enthalten mögē/
der muß verpotner vneelicher vnkeuscheit teylhaffrig
werden/ vnd also widder gottes gepot sundygen/ da
ist nicht anderst. Dieselben aber wie Paulus sagt zum
Römern am ersten/ vnd zu den Ephe. am. v. Sollen
des ewigen tods sterben/ vnd keynen erbteyl an dem
reych Gottis ymmer mer haben. Dieweil dan G. f.
vnd herr dysem allem also/ vnd das gestreng schwee
rteil gottis so hell vor augen. Wie möchte ich dan so
durstig vnd vnforchtsam seyn widder dasselbig vnd
so eynen gewaltigen ernstigen got ychts fürzunemen vñ
zuhandeln? Es sehe eyn yeder auff sych selbs/ ich will
für mich gehorsamlich bekennen/ denn/ der alle dyng
vonn nychte beschaffen hatt/ ya/ on den gar nicht be-
schehen/ vnd der alle welt yhn eynē augenplyck wi-
derumb zerreyssen vnd zerstören mag. Was soll mā
sich lange bedencken vnd radt haben/ ob man yhm
mehr/ dann denn menschen soll gehorsam sein? Es ist
ye Gott mehr dann der mensch/ ya alle so Gottes wil-
len verlassen/ vnd auff menschen vertrauwen dye
seynd verdampft/ vnd vnseelig/ wie der heylig Pro-
phet Jeremias saget am sybentzehendē. Also auch

Das wir Gott vñ seine heilige wort nit sollen heymlich
anhengich sein/sonder dasselb öffentlich vor den mē-
schen bekennen. Christus spricht Mathei. x. Ein yeder
d mich bekēnet vor den mensche/dē will ich widumb
erkennen vor meinē hymelischen vater. Der mich aber
verlaugnet vnd vor den leutē nit bekennen darff/des
will ich auch verlaugnen vor meynē vater ym hymel.
Dyse obgeschribene spruch vnd ander viel mer deren
die götliche schrifft allenthalben vol ist. G. f. vñ herr
haben mich gewaltigklich verursacht. K. f. G. Kad-
te Doctor Johan Appel vnd Do. Fridrichē Fischer
Welichen furnemen/als von Got erlaubt vnd durch
seine apostel geradten vnd beuolhen/widder die vn-
terschampt scortation zuloben. Des verhoffens/ich
hab damit nichtz gesundiget oder verwürkt. Erinnerung
vnd vermane derhalben ewer furstliche gnad yn al-
ler vnderthenigkeit/gantz Christlicher getreuwer vñ
brüderlicher meinung/dieselben wellē diser sache wol
vnd recht nachgedencken.

Es ist furwar keyn geringer handel/dz ewer f. G.
hieryn furnemē vñ thun/verleich Gott seyn götliche
gnad (als ich hoff) so werdē ewer gnadē verstē vñ
ynnē werdē/dz an disem hādel K. f. G. mer gelegen
sey/dā an allem andē dz auf erdrich ist. Alles dz wir
auff ertrich haben/dz müssen wir zu seiner zeit verlas-
sen. Die straff od d vberfarūg Gotes gepotē/lest sich
nit also verlassen Gott kan wol zu sehe vnserē sundē
zuglawben ist aber wie sich dann teglich ereūgt/das
sein götlicher wil schon vorhanden sey/die verachtūg
seyner gepoten mit höherm ernst zu straffen/dā hie

vor ye beschehen ist. Mein trewer Raht were/ dz ewer
er furstlich gnad die zwen yre Redt obgemelt wid=
derumb on entgeltnuß außliessen/ vnd hynfuro ynn
sollichen Christlychen handlungen nit vngelerter der
göttlichen geschriff vnd parteiſchen/sonder geleerter
gotforchtiger mēschē Raht vñ vnderweisung volgtē/
als dann wurd on zweiffel Got gnad vnd vns seine
barmhertzigkēyt mitteylen. Das alles wölt ich E. F.
G. vnderthaniger verpflichter meinūg/ damit ich E.
F. G. zugethan byn nit verhalde/ mit angeheffter pyt
das sy sich dyser meyner antwort benügen wöllē/ vñ
mich bey zeygern dyses brieffs widderumb verstehen
lassen/ wes ich mich zu der selbigen ewer furstlichen
gnaden versehen soll. Dann wo ewer furstlich gnad
an diſer meyner verantwortung nit soltē genugig syn
wölt ich volkomern vnd dermassen bericht thun/ dz
es nit allein bey E. F. G. sonder auch bey menigliche
fur genūgsam/ vnd Christlich geacht werden solte.
Thun mich hyemit E. F. G. yhn aller vnderthanig=
keit beuelhen. Datum am. x. tag Junij. Anno. M. D.
vnd. XXXij.

Jacob Fuchs der
elter/ Thumbherr

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.





4
Ar. 3249

ULB Halle 3
002 270 730




f


276.







Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

B.I.G.

Farbkarte #13

Blue Cyan Green Yellow Red Magenta White 3/Color Black

siue an den
vōr Clutz
n herr Ja
hs dem
Lhū
ausz
gē.

on vereelichten
personen.

XXIII.

